

**BOSNA I HERCEGOVINA  
FEDERACIJA BOSNE I HERCEGOVINE  
KANTON SREDIŠNJA BOSNA / SREDNJOBOSANSKI KANTON  
TRAVNIK**

**MINISTARSTVO OBRAZOVANJA,  
ZNANOSTI, MLADIH, KULTURE I ŠPORTA**

**MINISTARSTVO OBRAZOVANJA,  
NAUKE, MLADIH, KULTURE I SPORTA**



**CENTRAL BOSNIA CANTON  
MINISTRY OF EDUCATION,  
SCIENCE, YOUTH, CULTURE AND**

Travnik, Stanična 43., Tel./faks.: 030/511-214, 030/518-675, [www.mozks-ksb.ba](http://www.mozks-ksb.ba), e-mail: [minobsbk@bih.net.ba](mailto:minobsbk@bih.net.ba), [mozks@sbk-ksb.gov.ba](mailto:mozks@sbk-ksb.gov.ba)

Broj: 08-23-701/2021

Datum: 04.8.2021. godine

Na osnovu člana 178. Zakona o osnovama bezbjednosti saobraćaja na putevima u Bosni i Hercegovini ("Službeni glasnik Bosne i Hercegovine", broj: 6/06, 75/06 – ispravka teksta, 44/07, 84/09, 48/10, 18/13, 8/17, 89/17 i 9/18), te na osnovu Pravilnika o stjecanju zvanja vozača-instruktor motornih vozila ("Službeni glasnik Bosne i Hercegovine", broj: 15/07 i 41/07), u skladu s odredbama člana 2. Pravilnika o stjecanju zvanja vozač-instruktor motornih vozila te o zamjeni i produljenju dozvole vozača-instruktor motornih vozila ("Službene novine Srednjobosanskog kantona, broj: 5/09), te Zaključka Vlade KSB Travnik broj 01-04.1-3208/2020-36 od 23.12.2020. godine, Ministarstvo obrazovanja, nauke, mladih, kulture i sporta Kantona Središnja Bosna r a s p i s u j e

## **JAVNI POZIV**

### **ZA STJECANJE ZVANJA INSTRUKTOR VOŽNJE MOTORNIH VOZILA**

#### **I UVJETI**

Pravo prijavljivanja za stjecanje zvanja instruktor vožnje motornih vozila ima osoba koja ispunjava sljedeće uslove:

1. da ima, najmanje, srednju stručnu spremu,
2. da ima, najmanje, tri godine vozačku dozvolu one kategorije za koju polaže ispit,
3. da ima ljekarsko uvjerenje o zdravstvenoj sposobnosti, ne starije od 12 mjeseci,
4. da u posljednjih pet godina nije izrečena mjera sigurnosti ili zaštitna mjera zabrane upravljanja motornim vozilom.

#### **II POTREBNA DOKUMENTACIJA**

Kao dokaz o ispunjavanju uslova iz tačke I. ovoga Javnoga poziva, svaki kandidat je dužan uz obrazac prijave dostaviti i sljedeće dokumente:

- a) dokaz o zadovoljavanju uslova u pogledu stručne spreme (ovjerena kopija diplome/svjedodžbe),
- b) ovjerena kopija važeće vozačke dozvole (ovjera da nije starija od objave Javnog poziva),
- c) ljekarsko uvjerenje koje nije starije od 12 mjeseci (u svrhu stjecanja zvanja instruktora vožnje uz upisane kategorije / potkategorije za koje polaže ispite),
- d) uvjerenje da mu u posljednjih pet godina nije izrečena mjera sigurnosti ili zaštitna mjera zabrana upravljanja motornim vozilom – izdavanje ne starije od datuma objave ovoga Javnoga poziva, (mjerodavno je uvjerenje koje izdaje MUP – Uprava za administraciju u mjestu prebivališta kandidata),

- e) dokaz o uplati administrativne takse u iznosu od 5, 00 KM (svrha: rješavanje o prijavi na Javni poziv),
- f) dokaz o uplati naknade troškova osposobljavanja - pripremne nastave, za svaku oblast posebno navedenu u tački III. ovoga Javnog poziva.
- g) dostavljen dokaz o uplati naknade troškova za ispit iz Poznavanja propisa o bezbjednosti saobraćaja na cestama koja je navedena u tački IV. stav (3) ovoga Javnog poziva.

### III OSPOSOBLJAVANJE I TROŠKOVI

- (1) Osposobljavanje / priprema kandidata obavlja se kroz obaveznu pripremnu nastavu, koja ukupno traje 45 sati, i to:
  - **Poznavanje propisa o bezbjednosti saobraćaja na cestama** .... 15 sati,
  - **Saobraćajna psihologija** ..... 10 sati,
  - **Pedagogija** ..... 8 sati teorijskoga dijela,
  - **Metodika vožnje** ..... 2 sata u skupini do 3 kandidata, kao priprema za polaganje praktičnoga dijela ovoga ispita i ispita iz upravljanja motornim vozilom,
  - **Poznavanje motornih vozila, uređaja i opreme** ..... 10 sati.
- (2) Pravo osposobljavanja za stjecanje zvanja instruktor vožnje motornih vozila ima osoba koja ispunjava uslove iz tačke I. i II. ovog javnog poziva te dostavljen dokaz o uplati naknade troškova za pripremnu nastavu kako slijedi:
  - Poznavanje propisa o bezbjednosti saobraćaja na cestama, iznos uplate 75 KM,
  - Saobraćajna psihologija, iznos uplate 50 KM,
  - Pedagogija, iznos uplate 50 KM,
  - Metodika vožnje, iznos uplate 50 KM,
  - Poznavanje motornih vozila, uređaja i opreme, iznos uplate 50 KM.
- (3) O završenom osposobljavanju kandidatu se izdaje Potvrda o završenom osposobljavanju za polaganje ispita za instruktora vožnje.

### IV ISPITI ZA DOBIJANJE DOZVOLE INSTRUKTORA VOŽNJE I TROŠKOVI

Nakon uspješno obavljene pripremne nastave kandidat za stjecanje zvanja instruktora vožnje, ako želi može podnijeti prijavu za polaganje ispita.

Uz prijavu se prilaže:

- 1) Potvrda o završenom osposobljavanju za polaganje ispita za instruktora vožnje,
- 2) Dokaz o uplati administrativne takse u iznosu od 20 KM (svrha: rješavanje o zahtjevu za polaganje ispita),
- 3) Dokaz o plaćenim troškovima za polaganje ispita iz sljedećih oblasti:
  - Poznavanje propisa o bezbjednosti saobraćaja na cestama, (ujedno je eliminacijski ispit koji se prvi polaže, te ukoliko kandidat ne položi ispit nema pravo na pristupanje ostalih ispita, ispit se polaže pismeno i usmeno), iznos uplate je 150,00 KM,
  - Saobraćajna psihologija (polaže se usmeno), iznos uplate je 75,00 KM,
  - Pedagogija (polaže se usmeno) iznos uplate je 75,00 KM,
  - Metodika vožnje (polaže se praktično), iznos uplate je 75,00 KM,
  - Poznavanje motornih vozila, uređaja i opreme (polaže se usmeno) iznos uplate je 75,00 KM,
  - Upravljanje motornim vozilom (polaže se praktično, kandidat polaže odgovarajući ispit posebno za svaku kategoriju/potkategoriju) iznos uplate za svaki ispit posebno iznosi:

- 75,00 KM za A / A1 kategoriju/podkategoriju,
- 75,00 KM za B i BE kategoriju / B1 podkategoriju,
- 90,00 KM za C1 / C1E podkategoriju,
- 108,00 KM za C / CE kategoriju,
- 130,00 KM za D1 / D1E podkategoriju,
- 155,00 KM za D / DE kategoriju,

Popravni ispit za stjecanje zvanja instruktor vožnje motornih vozila se organizira najkasnije 30 dana nakon obavljenih ispita u prvom ispitnom terminu, a naknada troškova pojedinačno po ispitu iznosi 100,00 KM.

#### V. POSEBNE NAPOMENE KANDIDATIMA KOJI SU OSLOBOĐENI OSPOSOBLJAVANJA I POLAGANJA DIJELOVA ISPITA

- Diplomirani inženjer saobraćaja, drumskog smjera, **nije** se obavezan osposobljavati niti polagati ispite iz predmeta: Saobraćajna psihologija i Poznavanje motornih vozila, uređaja i opreme.

- Kandidat koji ima dozvolu vozača-instruktor vožnje motornih vozila određene kategorije, prilikom polaganja ispita za instruktora vožnje za drugu kategoriju **nije** se obavezan osposobljavati niti polagati ispite iz predmeta Saobraćajna psihologija i Pedagogija.

- Ispit iz **poznavanja propisa** o bezbjednosti saobraćaja na cestama ne polaže kandidat za vozača-instruktor koji:

a) polaže ispit za instruktora vožnje motornih vozila kategorije "A", a ima dozvolu za instruktora vožnje "B" kategorije;

b) polaže ispit za vozača-instruktor motornih vozila "D1" ili "D" kategorije/potkategorije, a posjeduje dozvolu za vozača-instruktor "C1" ili "C" kategorije/potkategorije.

- Ispit iz **poznavanja motornih vozila** ne polaže kandidat za vozača-instruktor D1 ili D kategorije/potkategorije ako posjeduje dozvolu za vozača-instruktor C1 ili C kategorije/potkategorije.

- Kandidat koji ima položen ispit za vozača-instruktor iz upravljanja motornim vozilom za:

- potkategoriju **C1**, **ne polaže ispit za kategoriju B**

- kategoriju **C**, **ne polaže ispit za potkategoriju/kategoriju C1 i B**

- potkategoriju **D1**, **ne polaže ispit za potkategoriju/kategoriju C, C1 i B**

- kategoriju **D**, **ne polaže ispit za potkategoriju/kategoriju D1, C, C1 i B.**

- Osoba koja ima dozvolu instruktora vožnje kategorije B vrši i obuku kandidata iz upravljanja motornim vozilom za potkategoriju B1.

- Osoba koja ima dozvolu instruktora vožnje kategorije A vrši i obuku kandidata iz upravljanja motornim vozilom za potkategoriju A1.

Prilikom osposobljavanja i polaganja ispita iz Upravljanja motornim vozilom, kandidat je dužan osigurati odgovarajuće vozilo koje zadovoljava propisane tehničke uslove i standarde u pogledu dimenzija, mase, osovinskoga opterećenja, uređaja i opreme, kako je to propisano članom 20. navedenoga Pravilnika o stjecanju zvanja vozača-instruktor motornih vozila.

Uplate iz tačke III. i IV. ovoga Javnoga poziva se uplaćuje na transakcijski račun Proračuna Srednjobosanskog kantona, broj **338-000-22050030-05**, s naznakom: **"Naknada za stjecanje zvanja instruktor vožnje motornih vozila"**, vrsta prihoda: **722631**, šifra općine (**prema mjestu uplate**), budžetska organizacija: **1701001**.

Administrativna taksa – uplaćuje se posebno na vrstu prihoda: **722121**.

## VI DOSTAVLJANJE PRIJAVE I DOKUMENTACIJE

Prijava na Javni poziv, uz dokumentaciju propisanu u tački II i III. ovoga Javnoga poziva, u zatvorenoj koverti, može se dostaviti na adresu:

**SREDNJOBOSANSKI KANTON**  
**Ministarstvo obrazovanja, nauke, mladih, kulture i sporta**  
**Stanična 43, Travnik**  
**(Odjel za autoškole i vozačke ispite),**

s naznakom "**Prijava na Javni poziv za stjecanje zvanja instruktor vožnje motornih vozila – ne otvarati**", a na prednjoj strani koverta potrebno je navesti svoje ime i prezime, adresu prebivališta i boravišta.

Krajnji rok za dostavljanje prijava na ovaj Javni poziv jeste **petnaest dana od dana objave na web adresi** Ministarstva [www.mozks-ksb.ba](http://www.mozks-ksb.ba).

Na javni poziv se prijavljuje preko obrasca prijave koji se nalazi u prilogu ovog Javnog poziva, a isti se može preuzeti i u Odjelu za autoškole i vozačke ispite, u Travniku, Ul. Erika Brandisa b.b., Zvijezda 2.

Kandidati će blagovremeno biti obavješteni o vremenu i mjestu obavljanja pripreme nastave u skladu o poštivanju epidemioloških mjera uzrokovanih koronavirusom (COVID-19).

Nepotpune i nblagovremene prijave kandidata na Javni poziv neće se razmatrati o čemu će kandidati biti pismeno obaviješteni.

Za eventualne nejasnoće po pitanju Javnog poziva zainteresirani se mogu javiti na telefon broj 030/540-747 ili 030/540-746 u vremenu od 10-12 sati ili na Email adresu [mpzkis@bih.net.ba](mailto:mpzkis@bih.net.ba).



**MINISTAR**  
**Bojan Domić**